

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO KULTURE I SPORTA
JU BIBLIOTEKA SARAJEVA
Ul. Mis Irbina br. 4
S A R A J E V O

UPRAVNI ODBOR

P R A V I L N I K
O P O S T U P K U D I R E K T N O G S P O R A Z U M A
J U B I B L I O T E K A S A R A J E V A

Septembar, 2015. godine

Na osnovu člana 27 Zakona o ustanovama („Sl. list R BiH“, br. 6/92, 8/93 i 13/94), člana 90 Zakona o javnim nabavkama („Sl. glasnik BiH“, broj 39/14) i članova 41 i 72 Pravila JU Biblioteka Sarajeva i člana 8 Pravilnika o postupku direktnog sporazuma Agencije za javne nabavke („Sl. glasnik BiH“, br. 90/14), Upravni odbor JU Biblioteka Sarajeva, na svojoj II (2.) redovnoj sjednici održanoj dana 22. 09. 2015. godine
d o n o s i

P R A V I L N I K O P O S T U P K U D I R E K T N O G S P O R A Z U M A J U B I B L I O T E K A S A R A J E V A

Član 1.

(Predmet Pravilnika)

Ovim Pravilnikom se definiše postupak javne nabavke roba, usluga i radova putem direktnog sporazuma u JU Biblioteka Sarajeva (u daljem tekstu: Biblioteka Sarajeva).

Član 2.

(Principi dodjele direktnog sporazuma)

Biblioteka Sarajeva će postupak direktnog sporazuma provoditi na način da se osigura poštivanje principa propisanih članom 3 Zakona o javnim nabavkama (u daljem tekstu: Zakon).

Član 3.

(Uslovi za primjenu direktnog sporazuma)

- (1) Postupak direktnog sporazuma se može provesti kada je procjenjena vrijednost istovrsnih roba, usluga ili radova na godišnjem nivou, jednaka ili manja od 6.000,00 KM bez PDV-a.
- (2) Ugovorni organ može tokom jedne godine za isti predmet nabavke potrošiti do 6.000,00 KM bez PDV-a putem ovog postupka.
- (3) Uslov za primjenu direktnog sporazuma je:
 - a) da je takva nabavka predviđena planom nabavki ili
 - b) da je donesena posebna odluka o pokretanju direktnog sporazuma u skladu sa članom 17 stav (1) Zakona.

Član 4.

(Procjenjena vrijednost)

- (1) Procjenjena vrijednost javne nabavke koja se dodjeljuje direktnim sporazumom vrši se u skladu sa članom 15 Zakona.
- (2) Procjenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.

Član 5.

(Početak postupka)

(1) Postupak direktnog sporazuma započinje donošenjem odluke ugovornog organa, u pisanom obliku, koja sadrži sve elemente iz člana 18 stav (1) Zakona.

(2) Odluka ili rješenje za provođenje postupka direktnog sporazuma iz stava (1) ovog člana donosi se na osnovu zahtjeva Službe za ekonomsko-finansijske poslove.

Član 6.

(Izvršenje postupka)

(1) Služba za ekonomsko-finansijske poslove Biblioteke Sarajeva u provođenju postupka direktnog sporazuma vrši sljedeće radnje:

- a) ispituje tržište,
- b) traži pisani prijedlog cijena ili ponuda od jednog ili više privrednih subjekata koji obavljaju djelatnost koja je predmet javne nabavke,
- c) pregovara sa ponuđačem/ponuđačima o cijeni,
- d) prihvata prijedlog cijene ili ponudu jednog ponuđača,
- e) predlaže ugovornom organu zaključenje ugovora u skladu sa odredbama člana 8 ovog Pravilnika.

Član 7.

(Izbor ponuđača)

- (1) Kod izbora ponude na osnovu koje će biti dodijeljen ugovor, ugovorni organ, primjenjujući principe iz člana 2 ovog Pravilnika, treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke.
- (2) Ugovorni organ bira ponuđača na način koji garantira najbolju razmjenu vrijednosti za novac. Kada vodi pregovore koji se odnosi na prijedlog cijene ili ponudu ugovorni organ djeluje u skladu sa dobrom komercijalnom praksom.
- (3) Kada traži prijedlog cijene ili ponudu, ugovorni organ daje ponuđaču/ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

Član 8.

(Zaključivanje direktnog sporazuma)

Direktni sporazum smatra se zaključenim:

- a) kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije,
- b) kod nabavki čija je vrijednost viša od 1.000,00 KM, ugovorni organ je dužan zaključiti ugovor o direktnom sporazumu u pisanoj formi,
- c) ugovor se mora zaključiti u roku od 10 (deset) dana od dana obavještanja učesnika postupka o izboru najpovoljnijeg ponuđača.

Član 9.

(Stupanje na snagu)

(1) Stupanjem na snagu ovog Pravilnika o postupku direktnog sporazuma JU Biblioteka Sarajeva prestaje da važi Pravilnik za sklapanje direktnog sporazuma JU Biblioteka Sarajeva broj: 04-36/09. od 17. 04. 2009. godine.

(2) Ovaj Pravilnik stupa na snagu danom donošenja i bit će objavljen na oglasnoj tabli Biblioteke.

Broj: _____/15.
Sarajevo, _____/2015.

P R E D S J E D N I K
U P R A V N O G O D B O R A

Muhidin Bukva